

Javni konkurs za grant sredstva u 2014. Godini

16. 7. 2014. godine, na temelju Odluke o usvajanju Programa utroška dijela sredstava sa kriterijima raspodjele sredstava Tekućeg transfera utvrđenog Proračunom Federacije Bosne i Hercegovine za 2014. godinu Federalnom ministarstvu razvoja, poduzetništva i obrta objavilo je Javni konkurs za za odabir korisnika sredstava Tekućih transfera – grant.

Federalno ministarstvo razvoja, poduzetništva i obrta raspisalo je Javni konkurs za odabir korisnika grant sredstava Tekućih transfera. Predmet Javnog konkursa je prikupljanje prijava za odabir korisnika grant sredstava Tekućih transfera, utvrđenih u razdjelu 50. Proračuna Federacije Bosne i Hercegovine za 2014. godinu Federalnom ministarstvu razvoja, poduzetništva i obrta, za 13 projekata:

1. Poticaji inovatorima-pojedincima
- 2 Stipendiranje učenika koji se obrazuju za tradicionalne i stare zanate
3. Poticaj udruženjima i komorama
4. Poticaj obrazovnim institucijama
5. Poticaj projektima koje finansira EU i drugi inostrani donatori
6. Tehničko usklađivanje (uvođenje ISO i HACCP standarda i osiguranje CE znaka)
7. Poticaji tradicionalnim i starim zanatima
8. Poticaj poduzetništvu žena
9. Poticaj poduzetništvu mladih
10. Subvencionisanje kamata na poduzetničke kredite
11. Poticaji novoosnovanim subjektima male privrede
12. Poticaji poduzetnicima izvoznicima
13. Poticaj za promociju poduzetništva

Pravo sudjelovanja u ovom natječaju imaju subjekti malog gospodarstva definirani u Zakonu o poticanju razvoja malog gospodarstva („Službene novine Federacije BiH“ br: 19/06 i 25/09), sa minimalno 51-postotnom privatnim vlasništvom državljana BiH, inovatori, učenici koji se obrazuju za tradicionalne i stare obrte, komore, razvojne agencije, fondacije i udruženja poduzetnika i obrtnika, obrazovno-istraživačke institucije.

Korisnici poticajnih sredstava koji do završetka ovog natječaja nisu izvršili svoje ranije preuzete obveze po osnovu korištenja poticajnih sredstava ovog ministarstva, nemaju pravo sudjelovanja u ovom natječaju, odnosno njihove prijave se neće uzeti u razmatranje.

Korisnici grant sredstava Ministarstva po programima s bankama, nemaju pravo sudjelovanja u ovom javnom natječaju do ispunjenja svih obveza iz ugovora o kreditu koji su zaključili s bankama.

Podnositelji prijava mogu ostvariti pravo na dodjelu finansijskih sredstava samo po jednom projektu iz ovog javnog natječaja.

Pravo na dodjelu finansijskih sredstava se može ostvariti samo po jednom javnom natječaju koji raspisuje ovo ministarstvo u tekućoj godini.

Zahtjev za uključivanje u projekt i Obrazac projekta za prijavu na ovaj javni konkurs pripremila je ovo ministarstvo posebno za svaki projekt i može se preuzeti na web stranici ministarstva www.fmrpo.gov.ba.

U cilju saniranja šteta nastalih prirodnim nepogodama na prostoru Federacije BiH u maju 2014. godine, Ministarstvo će prilikom raspodjele sredstava davati prednost korisnicima sredstava s područja koja su bila ugrožena prirodnim nepogodama.

Potrebna dokumentacija se može preuzeti elektronskim putem na web stranici Ministarstva www.fmrp.gov.ba ili u prostorijama Ministarstva u Mostaru, Ulica dr. Ante Starčevića bb (Hotel „Ero“) svakim radnim danom u vremenu od 10-14 sati.

Rok za dostavu prijava je 30 dana od dana objavljivanja Javnog konkursa u „Službenim novinama Federacije BiH“, odnosno do 15.08. 2014. godine.